

彌陀道場懺法

第七至第十卷

禮念彌陀道場懺法卷第七

元極樂居士王子成集

○發願往生第八

夫發願往生者。順釋迦偏讚之言。應法藏度生之願。臨終之際。感聖衆以來迎。往生之時。蒙彌陀而接引。託質七珍池內。化生九品蓮中。壽量難窮。身光無數。獲七辯之智。具六通之威。菩薩爲鄰。聲聞作伴。唯此願王獨不捨。刹那引導入蓮池。

今日道場同業大衆。相與發起大菩提心竟。我等應知。從今已去。生如來家。爲法王子。預清淨衆。繼往生人。是故復應修學菩提行願。如阿彌陀佛最初因中。爲法藏比丘所發四十八願。又如普賢文殊廣大行願。亦如十方三世諸大菩薩所有行願。我亦如是次第修學。惟願我

等同生淨土。五體投地。歸依世間大慈悲父。

南無教主釋迦牟尼佛。

南無世自在王佛。

南無西方阿彌陀佛。

南無六十六俱胝佛。

南無上方現在一切諸佛。

南無梵音佛。

南無宿王佛。

南無香光佛。

南無如紅蓮華勝德佛。

南無示現一切義利佛。

如是等佛。如苑伽沙。住在上方。各各示現廣長舌相。稱讚不可思議佛土功德。一切諸佛攝受法門。

南無文殊師利菩薩。

南無普賢菩薩。

南無觀世音菩薩。

南無大勢至菩薩。

南無清淨大海衆菩薩。

又復歸依如是十方盡虛空界一切三寶無量賢聖拜一。

今日道場同業大眾。志心發願。願甲某等普及四恩三有法

界衆生。從今已去。安住第一義諦。修佛淨業正因。孝

養父母。奉侍師長。慈心不殺。修十善業。受持三歸。

具足衆戒。不犯威儀。發菩提心。深信因果。讀誦大乘

。勸進行者。念佛。念法。念僧。念戒。念施。念天。

以志誠心。深心。迴向發願心。稱佛名號。讚佛光明。

觀佛依正十六妙境。念佛本起四十八願。籌量三輩。深

入五門。隨順三種菩提門。信受十方諸佛教。或以散心

定心。修散善定善。依經起行。畢命爲期。惟願阿彌陀  
佛聖力冥加。神通顯益。令我等凝神覺路。暗蹈大方。  
進止威儀。不離見佛。如執明鏡。自見面像。及於夢中  
。常見彼國衆妙樂事。慰悅我心。令生增進。哀愍覆護  
。法種增長。承佛威神。遠離魔事。又復無量劫來業惑  
塵勞。皆爲梵行。善根功德。同入大因。積集諸緣。併  
用迴向。臨命終時。無諸障難。七日已前。預知時至。  
身無痛苦。心不顛倒。身心安樂。如入禪定。遇善知識  
。教稱十念。阿彌陀佛與諸聖衆。現在其前。放大光明  
。授手迎接。自見其身。乘金剛臺。隨從佛後。如彈指  
頃。往生彼國。生彼國已。見佛色身。衆相具足。見諸  
菩薩。衆相具足。光明寶林。演說妙法。聞已卽悟無生  
法忍。身真金色。等無差別。三十二相。六通自在。具  
大辯才。演一切智。那羅延身。壽命無量。供養如意。

妙服自然。不聞惡名。不著身見。諸上善人。俱會一處。  
。住正定聚。恆不退還。究竟至於一生補處。受用清淨  
大乘法樂。晝夜六時。供養阿彌陀佛。每日清旦。奉事  
十方如來。聞法授記。得陀羅尼。化身自在。周徧十方  
。無佛國中。成等正覺。極重苦處。遊戲神通。隨衆生  
心。應所知量。對現色身。晝夜說法。無有休息。念念  
中令不可說不可說衆生發菩提心。念念中令不可說不可  
說衆生住普賢行。福慧資糧。悉得圓滿。同成無上正等  
菩提。各各莊嚴淨土。各各攝化衆生。如阿彌陀佛。等  
無有異。惟願阿彌陀佛。慈悲證明。  
今日道場同業大衆。願諸衆生。悉具菩薩清淨佛土。勸  
化慳嫉。悉度衆惡。八難之處。攝諸諍訟。瞋恚之人。  
勤行衆善。攝懈怠者。定意神通。攝諸亂想。已發願竟  
。相與志心。五體投地。歸依世間大慈悲父。

南無教主釋迦牟尼佛。  
南無西方阿彌陀佛。  
南無當來彌勒佛。  
南無寶名佛。  
南無衆清淨佛。  
南無無邊名佛。  
南無不虛光佛。  
南無聖天佛。  
南無智王佛。  
南無金剛衆佛。  
南無善障佛。  
南無建慈佛。  
南無華國佛。  
南無法意佛。

南無風行佛。  
南無善思名佛。  
南無多明佛。  
南無蜜衆佛。  
南無功德守佛。  
南無利益佛。  
南無無懼佛。  
南無堅觀佛。  
南無住法佛。  
南無珠足佛。  
南無解脫德佛。  
南無妙身佛。  
南無善意佛。  
南無普德佛。

南無文殊師利菩薩。

南無普賢菩薩。

南無觀世音菩薩。

南無大勢至菩薩。

南無清淨大海衆菩薩。

又復歸依如是十方盡虛空界一切三寶無量賢聖拜一。

今日道場同業大衆。各自發如是願。尋衆惡所起。皆緣六根。六根是我衆禍之本。雖爲禍本。亦能修集無量福業。故勝鬘經言。守護六根。淨身口意。以此義證。生善之本。故於六根發大誓願。

### 初發眼根願

願今日道場同業大衆。廣及十方四生六道一切衆生。從今已去。乃至往生。願眼常不見娑婆世界一切衆惡不善

之色。願眼常見西方阿彌陀佛。閻浮檀金色。八萬四千隨形相好光明。觀音勢至紫金色身。清淨海衆。端正微妙三十二相。極樂國土。無量莊嚴清淨之色。常見一切衆生。往生淨土。得無生忍。現前授記。歡喜之色。已發眼根願竟。相與志心。五體投地。歸依世間大慈悲父。

南無教主釋迦牟尼佛。

南無西方阿彌陀佛。

南無當來彌勒佛。

南無妙智佛。

南無梵財佛。

南無實音佛。

南無正智佛。

南無力德佛。

南無師子意佛。

南無華相佛。  
南無智積佛。  
南無華齒佛。  
南無功德藏佛。  
南無名寶佛。  
南無希有名佛。  
南無上戒佛。  
南無無畏佛。  
南無一切天佛。  
南無梵壽佛。  
南無日明佛。  
南無樂智佛。  
南無寶天佛。  
南無珠藏佛。

南無德流布佛。

南無智王佛。

南無無縛佛。

南無堅法佛。

南無天德佛。

南無文殊師利菩薩。

南無普賢菩薩。

南無觀世音菩薩。

南無大勢至菩薩。

南無清淨大海衆菩薩。

又復歸依如是十方盡虛空界一切三寶無量賢聖一拜。

次發耳根願

又願今日道場同業大眾。廣及十方四生六道一切衆生。從今日去。乃至往生。願耳不聞娑婆世界諸惡不善之聲。

。願耳常聞西方阿彌陀佛於七寶講堂廣宣妙法。自然風起。吹諸寶樹。及寶羅網。微妙音聲。如百千種樂。種種奇禽。演暢五根五力七覺。分八聖道之聲。常聞一切衆生往生淨土。彌陀讚言。善哉善哉。是人不久成佛之聲。已發耳根願竟。相與志心。五體投地。歸依世間大慈悲父。

南無教主釋迦牟尼佛。

南無西方阿彌陀佛。

南無當來彌勒佛。

南無梵牟尼佛。

南無安詳行佛。

南無勤精進佛。

南無燄肩佛。

南無大威德佛。



南無寶音佛。

南無金剛軍佛。

南無富貴佛。

南無勢力行佛。

南無師子力佛。

南無淨目佛。

南無文殊師利菩薩。

南無普賢菩薩。

南無觀世音菩薩。

南無大勢至菩薩。

南無清淨大海衆菩薩。

又復歸依如是十方盡虛空界一切三寶無量賢聖。

一拜。

次發鼻根願

又願今日道場同業大眾。廣及十方四生六道一切衆生。

從今已去。乃至往生。願鼻不聞娑婆世界諸惡不善之氣。  
。願鼻常聞極樂國土於晨朝時和風微動。鉢曇摩華。拘  
物頭華。及天雨曼陀羅華。其氣普熏周徧國界之香。已  
發鼻根願竟。相與志心。五體投地。歸依世間大慈悲父  
。

南無教主釋迦牟尼佛。

南無西方阿彌陀佛。

南無當來彌勒佛。

南無迦葉佛。

南無淨意佛。

南無知次第佛。

南無威猛德佛。

南無大光明佛。

南無日光曜佛。

南無淨藏佛。  
南無分別威佛。  
南無無損佛。  
南無蜜日佛。  
南無月光佛。  
南無持明佛。  
南無善寂行佛。  
南無不動佛。  
南無大請佛。  
南無德法佛。  
南無莊嚴王佛。  
南無高出佛。  
南無燄熾佛。  
南無蓮華德佛。

南無寶嚴佛。

南無上善佛。

南無寶上佛。

南無利慧佛。

南無嚴土佛。

南無文殊師利菩薩。

南無普賢菩薩。

南無觀世音菩薩。

南無大勢至菩薩。

南無清淨大海衆菩薩。

又復歸依如是十方盡虛空界一切三寶無量賢聖一拜。

次發舌根願

又願今日道場同業大眾。廣及十方四生六道一切衆生。從今已去。乃至往生。願舌恆不嘗娑婆世界諸惡不善之

味。願舌恆嘗極樂世界寶器。隨意而至。百味飲食。自然盈滿。雖有此食。實無食者。自然飽足。無所味著之味。已發舌根願竟。相與志心。五體投地。歸依世間大慈悲父。

南無教主釋迦牟尼佛。

南無西方阿彌陀佛。

南無當來彌勒佛。

南無海德佛。

南無梵相佛。

南無月蓋佛。

南無多燄佛。

南無違籃王佛。

南無智稱佛。

南無覺想佛。

南無功德光佛。  
南無聲流布佛。  
南南滿月佛。  
南無華光佛。  
南無善戒佛。  
南無燈王佛。  
南無電光佛。  
南無光王佛。  
南無光明佛。  
南無具足讚佛。  
南無華藏佛。  
南無弗沙佛。  
南無身端嚴佛。  
南無淨義佛。

南無威猛軍佛。

南無福威德佛。

南無力行佛。

南無羅睺天佛。

南無文殊師利菩薩。

南無普賢菩薩。

南無觀世音菩薩。

南無大勢至菩薩。

南無清淨大海衆菩薩。

又復歸依如是十方盡虛空界一切三寶無量賢聖一拜。

### 次發身根願

又願今日道場同業大衆。廣及十方四生六道一切衆生。

從今已去。乃至往生。願身不覺娑婆世界諸惡不善一切

諸觸。願身常覺極樂世界宮殿樓閣。微風觸身。安和調

適。猶如比丘得滅盡定。清淨寶池八功德水。清明澄潔。  
。洗濯其身。蕩除四垢之觸。常覺一切衆生。往生淨土。  
。不寒不熱。不飢不渴。飛行自在。與諸菩薩聽法之觸。  
。已發身根願竟。相與志心。五體投地。歸依世間大慈  
悲父。

南無教主釋迦牟尼佛。

南無智聚佛。

南無調御佛。

南無如王佛。

南無華相佛。

南無羅睺羅佛。

南無大藥佛。

南無宿王佛。

南無藥王佛。

南無德手佛。  
南無得叉迦佛。  
南無流布王佛。  
南無日光佛。  
南無法藏佛。  
南無妙意佛。  
南無德主佛。  
南無金剛衆佛。  
南無慧頂佛。  
南無善住佛。  
南無意行佛。  
南無梵音佛。  
南無師子佛。  
南無雷音佛。

南無通相佛。

南無安隱佛。

南無慧隆佛。

南無文殊師利菩薩。

南無普賢菩薩。

南無觀世音菩薩。

南無大勢至菩薩。

南無清淨大海衆菩薩。

又復歸依如是十方盡虛空界一切三寶無量賢聖。

一拜。

### 次發意根願

又願今日道場同業大衆。廣及十方四生六道一切衆生。從今已去。乃至往生。願意常知娑婆世界貪欲瞋恚愚癡爲患。常知身殺盜染妄言綺語兩舌惡口爲患。常知殺父害母。殺阿羅漢。出佛身血。破合和衆。謗佛法僧。不

信因果。是無間罪。常知人死更生報應之法。常知遠惡知識。親近善友。常知諮受九十六種邪師爲非。常知三漏五蓋十纏之法是障。常知三塗可畏。生死酷劇苦報之處。願意常知極樂國土清淨海衆。無我所心。無染著心。無忿恨心。無厭怠心。勝心深心。定心。愛樂法心。滅諸煩惱離惡趣心。常知一切菩薩所行具足成就無量功德。得深禪定。究竟一乘之心。已發意願竟。相與志心。五體投地。歸依世間大慈悲父。

南無教主釋迦牟尼佛。

南無西方阿彌陀佛。

南無當來彌勒佛。

南無梵王佛。

南無大牛王佛。

南無利陀目佛。

南無龍德佛。  
南無實相佛。  
南無莊嚴佛。  
南無不沒音佛。  
南無華德佛。  
南無音德佛。  
南無師子佛。  
南無莊嚴辭佛。  
南無勇智佛。  
南無華積佛。  
南無華開佛。  
南無力行佛。  
南無德積佛。  
南無上形色佛。

南無明曜佛。

南無月燈佛。

南無威德王佛。

南無菩提王佛。

南無無盡佛。

南無菩提眼佛。

南無身充滿佛。

南無慧國佛。

南無文殊師利菩薩。

南無普賢菩薩。

南無觀世音菩薩。

南無大勢至菩薩。

南無清淨大海衆菩薩。

又復歸依如是十方盡虛空界一切三寶無量賢聖  
拜一。

次發口願

又願今日道場同業大眾。廣及十方四生六道一切衆生。從今已去乃至往生。口常不毀些三寶。不謗弘通經人。說其過惡。不言作善。不得樂報。作惡不得苦果。不言人死斷滅不復更生。不說無益損他人事。不說外道所造經書。不教人作十惡業。不教人作五逆業。不稱揚人惡。不言俗間好戲笑事。常發善言。不勸人造罪。不斷人造福。願口常念阿彌陀佛觀音勢至清淨大海衆菩薩。願常教人建立彌陀佛像。修諸供養。求生淨土。如救頭然。願口常教一切衆生往生淨土。以無礙智。演說佛法。具諸辯才。已發口願竟。相與志心。五體投地。歸依世間大慈悲父。

南無教主釋迦牟尼佛。  
南無西方阿彌陀佛。

南無當來彌勒佛。  
南無最上佛。  
南無清淨照佛。  
南無慧德佛。  
南無妙音聲佛。  
南無導師佛。  
南無無礙藏佛。  
南無上施佛。  
南無大尊佛。  
南無智勢佛。  
南無大燄佛。  
南無帝王佛。  
南無制力佛。  
南無威德佛。

南無善明佛。  
南無名聞佛。  
南無端嚴佛。  
南無無塵垢佛。  
南無威儀佛。  
南無師子軍佛。  
南無天王佛。  
南無名聲佛。  
南無殊勝佛。  
南無大藏佛。  
南無福德光佛。  
南無梵聞佛。  
南無文殊師利菩薩。  
南無普賢菩薩。

南無觀世音菩薩。

南無大勢至菩薩。

南無清淨大海衆菩薩。

又復歸依如是十方盡虛空界一切三寶無量賢聖。

拜一。

今日道場同業大衆。重複志誠讚佛偈云。

阿彌陀佛眞金色相好端嚴無等倫

白毫宛轉五須彌紺目澄清四大海

光中化佛無億數化菩薩衆亦無邊

四十八願度衆生九品咸令登彼岸

重複志誠歸依西方阿彌陀如來。應供。正徧知。明行足。  
。善逝。世間解。無上士。調御丈夫。天人師。佛。世  
尊。度人無量。拔生死苦。以今禮懺清淨讚佛功德因緣  
。願四生六道一切衆生。從今已去。至於命終。以佛神

力。隨心自在。同生極樂。共見彌陀。皆成佛道。

今日道場同業大眾。華嚴經入不思議解脫境界普賢菩薩  
行願品云。又復是人臨命終時。最後剎那。一切諸根。  
悉皆散壞。一切親屬。悉皆捨離。一切威勢。悉皆退失。  
。象馬車乘。珍寶伏藏。如是一切。無復相隨。唯此願  
王。不相捨離。於一切時。引導其前。一剎那中。即得  
往生極樂世界。到已。即見阿彌陀佛。文殊師利菩薩。  
普賢菩薩。觀自在菩薩。彌勒菩薩等。此諸菩薩。色相  
端嚴。功德具足。所共圍繞。其人自見生蓮華中。蒙佛  
授記。得授記已。經於無數百千萬億那由他劫。普於十  
方不可說不可說世界。以智慧力。隨眾生心。而為利益  
。不久當坐菩提道場。降伏魔軍。成等正覺。轉妙法輪  
。能令佛刹極微塵數世界眾生。發菩提心。隨其根性。  
教化成熟。乃至盡未來劫海。廣能利益一切眾生。善男

子。彼諸衆生。若聞若信此大願王。受持讀誦。廣爲人說。所有功德。除佛世尊。餘無知者。是故汝等聞此願王。莫生疑念。應當諦受。受已能讀。讀已能誦。誦已能持。乃至書寫。廣爲人說。是諸人等。於一念中。所有行願皆得成就。所獲福聚。無量無邊。能於煩惱大苦海中。拔救衆生。令其出離。皆得往生阿彌陀佛極樂世界。又如普賢菩薩所發願王已。相與志心。五體投地。歸依世間大慈悲父。

南無教主釋迦牟尼佛。

南無西方阿彌陀佛。

南無當來彌勒佛。

南無燈王佛。

南無智頂佛。

南無上天佛。

南無地王佛。  
南無至解脱佛。  
南無金髻佛。  
南無羅睺日佛。  
南無莫能勝佛。  
南無牟尼淨佛。  
南無善光佛。  
南無金齊佛。  
南無衆德天王佛。  
南無法蓋佛。  
南無德臂佛。  
南無鶖伽陀佛。  
南無美妙慧佛。  
南無微意佛。

南無諸威德佛。

南無師子髻佛。

南無解脫相佛。

南無威相佛。

南無斷流佛。

南無慧藏佛。

南無智聚佛。

南無無礙讚佛。

南無文殊師利菩薩。

南無普賢菩薩。

南無觀世音菩薩。

南無大勢至菩薩。

南無清淨大海衆菩薩。

又復歸依如是十方盡虛空界一切三寶無量賢聖

拜一

。

今日道場同業大眾。所發誓願。悉同十方。盡虛空界。一切諸佛大菩薩衆所有誓願。不可窮盡。我今誓願。亦復如是。廣大如法性。究竟如虛空。窮未來際。盡一切劫。衆生不可盡。我願不可盡。世界不可盡。我願不可盡。虛空不可盡。我願不可盡。法性不可盡。我願不可盡。涅槃不可盡。我願不可盡。佛出世不可盡。我願不可盡。諸佛智慧不可盡。我願不可盡。心緣不可盡。我願不可盡。起智不可盡。我願不可盡。世間道種。法道種。智慧道種。不可盡。我願不可盡。若十種可盡。我願乃可盡。乃至虛空世界盡。衆生及業煩惱盡。如是一切無盡時。我願究竟恆無盡。發如是大願已。相與志心。五體投地。歸依世間大慈悲父。

南無教主釋迦牟尼佛。  
南無西方阿彌陀佛。

南無當來彌勒佛。  
南無寶聚佛。  
南無善音佛。  
南無山王相佛。  
南無法頂佛。  
南無解脫德佛。  
南無善端嚴佛。  
南無吉身佛。  
南無愛語佛。  
南無師子利佛。  
南無和樓那佛。  
南無師子法佛。  
南無法力佛。  
南無愛樂佛。

南無讚不動佛。  
南無衆明王佛。  
南無覺悟佛。  
南無妙明佛。  
南無意住義佛。  
南無光照佛。  
南無香德佛。  
南無令喜佛。  
南無不虛行佛。  
南無滅恚佛。  
南無上色佛。  
南無善步佛。  
南無文殊師利菩薩。  
南無普賢菩薩。

南無觀世音菩薩。

南無大勢至菩薩。

南無清淨大海衆菩薩。

又復歸依如是十方盡虛空界一切三寶無量賢聖拜一。

今日道場同業大衆。願俱捨惡道。常生淨土。財施無盡。  
。法施無盡。福德無盡。安樂無盡。壽命無盡。智慧無  
盡。四無量心。六波羅蜜。常得現前。四無礙辯。六神  
通力。如意自在。常得見佛聞深法。行菩薩道。勇猛精  
進。不休不息。乃至進修當成佛道。廣能度脫一切衆生  
。

禮念彌陀道場懺法卷第七

禮念彌陀道場懺法卷第八

元極樂居士王子成集

○求生行門第九

夫求生行門者。念有五門。修有四方。此方白業。將熟彼土。紅蓮已生。蓋觀利鈍之機。廣說頓漸之教。初則量力修進。忖己功夫。乘閑暇之時。取幽靜之處。或踵九品之軌。則依三輩之規繩。或有良緣而結社。或無勝侶則孤修。須求同志深究佛乘。勿與餘人。空談世務。只宜杜絕人事。屏棄塵緣。無義不言。非時不出。布衣蔬飯。護戒持齋。行願迴向於西方。多時。極樂逍遙無量劫。決得往生。閻浮精進不

今日道場同業大眾。相與發起往生大願已竟。次應漸依求生行門。如法修進。是以有願無行。其願必虛。有行無願。其行必孤。要須行願相符。福智相資。必得往生。

。疾成聖道。志意虔誠。五體投地。歸依世間大慈悲父。

南無教主釋迦牟尼佛。

南無世自在王佛。

南無西方阿彌陀佛。

南無七十七俱胝佛。

南無東南方現在一切諸佛。

南無最上廣大雲雷音王佛。

如是等佛。如苑伽沙。住在東南方。各各示現廣長舌相。

。稱讚不可思議佛土功德。一切諸佛攝受法門。

南無文殊師利菩薩。

南無普賢菩薩。

南無觀世音菩薩。

南無大勢至菩薩。

南無清淨大海衆菩薩。

又復歸依如是十方盡虛空界一切三寶無量賢聖。

拜一。

今日道場同業大衆。若欲勸人求生淨土。安心起行。作業修因。定得往生。今於諸經集成衆行。奉勸人人。隨其廣略。依經修行。盡獲勝果。頌曰。

初修每日晨朝時合掌面西持聖號

各念十聲復頂禮龍舒淨土文內說

龍舒文超脫輪迴捷徑圖略云。大藏十餘經言。西方淨土事。人皆蓮華中生。衣食化成。長生不老。其修行法門有九品。今節出衆人可通行者。○阿彌陀佛有大誓願云。我作佛時。十方衆生。至心信樂。欲生我國。十聲念我名號。而不生者。我不作佛。現世可以消災解怨。增福保壽。每朝合掌。向西頂禮。念曰。南無阿彌陀佛。南無觀世音菩薩。南無大勢至菩薩。南無清淨大海衆菩薩。已上名念十聲。復頂禮。次念大

慈菩薩讚佛。懺罪迴向發願一徧。十方三世佛。阿彌陀第一。九品度衆生。威德無窮極。我今大歸依。懺悔三業罪。凡有諸福善。至心用迴向。願同念佛人。盡生極樂國。見佛了生死。如佛度一切。復頂禮而退。此偈大有威力。能滅一切罪。長一切福。教人念。得福報。至誠如是。必中品生。更加精進。轉以化人。使更相勸化。則上品生。罪惡人修。亦下品生。此間念佛。西方七寶池生蓮華一朵。標其姓。名。他日於其中託生。比陰府記姓名。待其命盡。來追者。大不同矣。

今日道場同業大衆。善攝心耳。渴仰諦聽。天親論曰。若有願生彼國者。勸修五念門。五門若具。定得往生。何者爲五。一者身業禮拜門。所謂一心專志。恭敬合掌。香華供養。禮拜彼阿彌陀佛。禮卽專禮彼佛。畢命爲期。不雜餘禮故。二者口業讚歎門。所謂專意讚歎彼佛。

身相光明。一切聖衆。身相光明。及彼國中。一切寶莊嚴光明等故。三者意業意念觀察門。所謂專意念觀彼佛。及一切聖衆身相光明。國土莊嚴等。如觀經說。唯除睡時。恆憶恆念。恆想恆觀。此事等故。四者作願門。所謂專心若晝若夜。一切時。一切處。三業四儀所作功德。不問初中後。皆須真實心中發願。願生彼國故。五者迴向門。所謂專心自作善根。及一切三乘五道。一一凡聖。等所作善根。深生隨喜。如諸佛菩薩所作隨喜。我亦如是隨喜。以此隨喜善根。及己所作善根。皆悉與衆生共之。迴向彼國故。又到彼國已。得六神通。迴入生死。教化衆生。徹窮後際。心無厭足。乃至成佛。亦名迴向門。五門既具。定得往生。隨起業行。不問多少。皆名真實業也。

天親論云。觀行四修法。用策三心。五念之行。速得往生。何者爲四。一者恭敬修。恭敬禮拜彼佛一切聖

衆。故名恭敬修。畢命爲期。誓不中止。即是常時修。住坐卧。及便穢等。皆獲西方。二敬有緣像教。設彌陀像。及持其教。三敬有緣師友。恭敬親近故。四敬是往勝緣故。如此敬修。決定往生。及一切聖衆等。所謂專稱彼佛名。專想專禮。讚彼佛。及一切聖衆等。是不雜餘業故。名無餘修。所謂相續恭敬禮拜。稱名。即是常時修。三者無間修。所謂相續恭敬禮拜。稱名。是憶念觀察。迴向發願。心相續。不以餘業來間。故歎名無間修。又常使清淨。亦名無間修。犯隨懺。來間。故隔念隔時隔日。常使清淨。亦名無間修。犯隨懺。來間。故誓不中止。即是常時修。四者迴向修。謂菩薩已免。生。死。所作善法。迴求佛果。即是自利。教化衆生。盡未來際。即是利他。然今時衆生。悉煩惱繫縛。未免惡道生死等苦。隨緣起行。一切善根。且速迴願往生。彌陀佛國。到彼國已。更無所畏。如上四修。自然運自利利他。無不具足。更無所畏。如上四修。自然

一行三昧求生門 獨處空閑捨亂意  
繫心專念見彌陀 文殊般若如是說

文殊般若經。欲明一行三昧。唯勸獨處空閑。捨諸亂  
意。不取相貌。繫心一佛。專稱名字。卽於念中。得  
見彼阿彌陀佛。及一切佛等。問曰。何故不令作觀。  
直遣專稱名字耶。答曰。乃由衆生惑業障重。觀難成  
就。是以大聖悲憐。直勸專稱名字。正由稱名易故。至  
相續卽生。問曰。專稱一佛。何故名多。此豈非邪正  
相交。一多雜現耶。答曰。諸佛大慈等故。彌陀願力  
深故。問曰。一切諸佛。三身同證。悲智果圓。亦應  
無二。隨方禮念。有何意也。答曰。亦應得生。何故偏歎  
方專禮念等。有無意也。答曰。然彌陀世尊。本發深重  
誓願。願以光明名號。攝化十方。但使信心求念。上  
盡一形。下至十聲。一聲等。以佛願力。易得往生。  
是故釋迦。及以諸佛。勸向西。爲別異耳。亦非是稱  
念餘佛。不能除障滅罪也。

齊戒觀想彌陀佛 觀音勢至二大士  
身生淨土坐蓮華 十六觀經如是說

十六觀經修持法門略云。齋戒潔已。清心淨慮。面西  
安坐。閉目默然。觀想阿彌陀佛真金色身。在西方七  
寶池中。大蓮華上坐。其身長丈六。兩眉中間。向上有  
白毫右旋轉。光明照耀。紫金色身。以停心注想於白  
毫。更不得妄有分毫他念。當令閉目開目。悉皆見之  
。蓋欲念念不忘也。如此久久念心成熟。自然感應見  
佛全身。此法最上。謂心想佛時。此心即是佛。又過  
於口念也。次觀想觀世音菩薩身紫金色。手掌白蓮華  
。其天冠中。有一立化佛。次觀想大勢至菩薩身紫金  
色。其天冠肉髻上。有一寶瓶。次想自身生於西方極  
樂世界。於蓮華中。結跏趺坐。作蓮華合想開想。見  
佛菩薩滿虛空中。

今日道場同業大眾。誠心諦聽。稱讚淨土攝受經疏云。  
念佛法門有二種。謂心及口。心為念體。口為念相。心  
念則深而難。口念則淺而易。皆是往生西方正行。隨其

根器。有上下故。今略指陳心口法。或卽爲二門。且心念者。於寂靜處。隨六時中。供養禮讚。行道畢已。出道場來。到所止處。若欲入觀念佛之事。若坐若立。正面西向。一心合掌。十稱阿彌陀佛。觀音勢至諸菩薩衆大悲名已。發是願言。弟子現是生死凡夫。罪障深重。輪迴六道。苦不可言。今日遭遇真善知識。得聞彌陀本願名號。雖復稱念。冀得往生。奈以不識阿彌陀佛身相光明。及觀音勢至二位菩薩。願佛不捨本弘誓願。慈悲攝受。令弟子見。或欲卧眠。亦發此願。而於夢中。時得見之。

今日道場同業大衆。普爲一切求生行者。相與志心。五體投地。歸依世間大慈悲父。

南無教主釋迦牟尼佛。

南無西方阿彌陀佛。  
南無當來彌勒佛。  
南無大音讚佛。  
南無淨願佛。  
南無日天佛。  
南無樂慧佛。  
南無攝身佛。  
南無威德勢佛。  
南無刹利佛。  
南無德乘佛。  
南無上金佛。  
南無解脫髻佛。  
南無樂法佛。  
南無住行佛。

南無捨憍慢佛。  
南無智藏佛。  
南無梵行佛。  
南無栴檀佛。  
南無無憂名佛。  
南無端嚴身佛。  
南無相國佛。  
南無蓮華佛。  
南無無邊德佛。  
南無天光佛。  
南無慧華佛。  
南無頻頭摩佛。  
南無智富佛。  
南無文殊師利菩薩。

南無普賢菩薩。  
南無觀世音菩薩。  
南無大勢至菩薩。  
南無清淨大海衆菩薩。  
又復歸依如是十方盡虛空界一切三寶無量賢聖。

拜一。

三輩求生門

捨家棄愛作沙門 發菩提心修功德

佛與大衆現其前 卽得往生安養國

無量壽經云。佛告阿難。十方世界諸天人。其有至  
心。願生彼國。凡有三輩。上輩者。捨家棄欲。而作  
沙門。發菩提心。一向專念無量壽佛。修諸功德。願  
生彼國。臨壽終時。無量壽佛。與諸大衆。現其人前。  
卽隨彼佛。往生其國。便於七寶華中。自然化生。  
住不退地。智慧勇猛。神通自在。是故阿難。其有衆  
生。欲於今世見無量壽佛。應發無上菩提之心。修諸  
功德。願生彼國。

隨緣修善持齋戒。懸繒散華然燈香。  
身隨化佛生彼國。住不退轉如上輩。

佛告阿難。其中輩者。十方世界諸天人。其有志心願生彼國。雖不能行作沙門。大修功德。當發無上菩提之心。一向專念無量壽佛。多少修善。奉持齋戒。起立塔像。飯食沙門。懸繪然燈。散華燒香。以此迴向。願生彼國。其人臨終。無量壽佛化現其身。光明相好。具如真佛。與諸大眾。現其人前。卽隨化佛往生其國。住不退轉。功德智慧。次如上輩者也。

若人十念或一念。歡喜信樂不疑惑。  
臨終夢佛亦往生。功德次如中輩者。

佛告阿難。其下輩者。十方世界諸天人。其有志心欲生彼國。假使不能作諸功德。當發無上菩提之心。一向專意。乃至十念。念無量壽佛。願生其國。若聞深法。歡喜信樂。不生疑惑。乃至一念。念於彼佛。以志誠心。願生其國。此人臨終。夢見彼佛。亦得

往生。功德智慧。次如中輩者也。

今日道場同業大眾。如佛所說。無量壽經。教修三輩。求生行門。相與志心。五體投地。歸依世間大慈悲父。

南無教主釋迦牟尼佛。

南無西方阿彌陀佛。

南無當來彌勒佛。

南無梵財佛。

南無寶手佛。

南無淨根佛。

南無具足論佛。

南無上論佛。

南無弗沙佛。

南無提沙佛。

南無有日佛。  
南無出泥佛。  
南無得智佛。  
南無謨羅佛。  
南無上吉佛。  
南無法樂佛。  
南無求勝佛。  
南無智慧佛。  
南無善聖佛。  
南無綱光佛。  
南無琉璃藏佛。  
南無名聞佛。  
南無利寂佛。  
南無教化佛。

南無日明佛。

南無善明佛。

南無衆德上明佛。

南無寶德佛。

南無文殊師利菩薩。

南無普賢菩薩。

南無觀世音菩薩。

南無大勢至菩薩。

南無清淨大海衆菩薩。

又復歸依如是十方盡虛空界一切三寶無量賢聖一拜。

### 九品求生門

志誠深心迴向願不殺具戒誦大乘

修行六念化佛迎是名上品上生者

觀無量壽經云。阿難及韋提希。上品上生者。若有衆

不必受持方等經解第一義明因果

上第忍色彼躍無光執丘。日三一。一。生。  
生授。相。國。自。數。明。金。阿。乃。者。一。者。  
者。記。具。國。見。菩。照。剛。彌。至。慈。必。者。  
。還。足。生。其。薩。行。臺。陀。七。心。生。志。  
到。史。彼。身。者。與。大。如。日。不。彼。誠。  
本。間。國。國。讚。衆。來。念。殺。國。心。  
國。歷。已。乘。歎。無。與。即。復。二。  
。事。見。金。行。量。觀。得。有。者。  
。諸。佛。剛。者。諸。迴。具。三。深。  
得。佛。臺。勸。諸。向。諸。種。心。  
無。演。色。進。菩。發。戒。衆。三。  
量。說。身。其。薩。願。行。生。種。  
百。妙。隨。授。至。生。願。二。者。  
千。法。從。手。行。七。彼。者。當。  
陀。方。佛。心。者。寶。國。得。往。  
羅。界。相。後。行。殿。無。數。化。人。具。乘。何。  
尼。於。具。如。者。觀。阿。彌。佛。精。此。方。何。  
門。諸。足。彈。見。音。陀。佛。進。功。等。具。  
。佛。見。指。已。勢。佛。勇。德。等。具。  
是。前。諸。頃。歡。至。放。千。猛。爲。三。  
名。無。菩。喜。與。大。比。故。一。者。  
上。生。薩。往。喜。與。大。比。故。一。者。  
品。次。法。生。踊。與。大。比。故。一。者。

紫金臺上見全身 是名上品中生者

經云。不必受持讀誦方等經典。善解義趣。於第一義。願求。生極樂國。行此行者。命欲終時。阿彌陀佛與觀世音大勢至。無量大衆眷屬圍繞。持紫金臺。至行者前。讚言法子。汝行大乘。解第一義。是故我今來迎接汝。與千化佛。一時授手。行者自見坐紫金臺。合掌叉手。讚歎諸佛。如一念頃。即生彼國。七寶池中。金色。足下亦有七寶蓮華。佛及菩薩。俱時放光。照行者身。目即開明。因前宿習。普聞衆聲。純說甚深第一義諦。即下金臺。禮佛合掌。讚歎世尊。純於七日期。應時即於阿耨多羅三藐三菩提。得不退轉。應時道即能飛行。徧至十方。歷事諸佛。於諸佛所。修諸三昧。經一小劫。得無生忍。現前授記。是名上品中生。彌者。

深信因果奉大乘 但發無上菩提意

聞法位登十地初是名上品下生者

經云。亦信因果。不謗大乘。發無上道心。以此功德

迴向願求生極樂國。行者命欲終時。阿彌陀佛及觀

音勢至。與諸菩薩持紫金蓮華。化作五百佛。來迎此

人。五百化佛。一時授手。讚言法子。汝今清淨。發

無上道心。我來迎汝。見此事時。即自見身坐金蓮華

。坐已華合。隨世尊後。即得往生七寶池中。一日一

夜。蓮華乃開。七日之中。乃得見佛。雖見佛身。於

衆相好。心不明了。於三七日後乃了了見。聞衆音

聲。皆演妙法。遊歷十方。供養諸佛。於諸佛前。聞

甚深法。經三小劫。得百法明門。住歡喜地。是名上

品下生者。是名上輩生想。名第十四觀。喜地。是名上

受持五戒八戒齋修行諸戒迴向願

見佛聞法證無學是名中品上生者

經云。若有衆生。受持五戒。持八戒齋。修行諸戒。

不造五逆。無衆過患。以此善根。迴向願生極樂世界。

。臨命終時。阿彌陀佛與諸比丘眷屬圍繞。放金色光

。至其人。所。演說苦空無常無我。讚歎出家。得離衆苦。行者見已。心大歡喜。自見己身。坐蓮華臺。長跪合掌。爲佛作禮。未舉頭頃。卽得往生極樂世界。蓮華尋開。當華敷時。聞衆音聲。讚歎四諦。應時卽得阿羅漢道。三明六通。具八解脫。是名中品上生者。

若人至心一日夜持戒持齋無破缺

聞法卽得須陀洹是名中品中生者

經云。若有衆生。若一日一夜受持八戒齋。若一日一夜持沙彌戒。一日一夜持具足戒。威儀無缺。以此功德。迴向願求生極樂國。戒香熏修。如此行者。命欲終時。見阿彌陀佛。與諸眷屬。放金色光。持七寶蓮華。至行者前。行者自聞空中有聲。讚言。善男子。如汝善人。隨順三世諸佛教故。我來迎汝。行者自見坐蓮華上。蓮華卽合。生於西方極樂世界。在寶池中。世尊於七日。蓮華乃敷。華既敷已。開目合掌。讚歎是名中品中生者。得須陀洹。經半劫已。成阿羅漢。歎

孝養父母行仁慈  
臨終復遇善知識  
化生一劫證無學  
是名中品下生者

經云。若有善男子。善女人。孝養父母。行世仁慈。此人命欲終時。遇善知識。為其廣說阿彌陀佛國土樂事。亦說法藏比丘四十八願。聞此事已。尋卽命終。譬如壯士屈伸臂頃。卽生西方極樂世界。經七日卽遇觀世音大勢至。聞法歡喜。得須陀洹。過一小劫。成阿羅漢。是名中品下生者。是名中輩生想。名第十五觀。觀。

若人雖不謗尊經  
造衆惡業無慚愧  
化生十劫十地初  
是名下品上生者

經云。或有衆生。作衆惡業。雖不誹謗方等經典。如此愚人。多造惡法。無有慚愧。命欲終時。遇善知識。為說大乘十二部經首題名字。以聞如是諸經名故。除却千劫極重惡業。智者復教合掌叉手。稱南無阿彌陀佛。稱佛名故。除五十億劫生死之罪。爾時彼佛。



勢至。以梵音聲。安慰彼人。為說大乘甚深經典。聞此法已。應時即發無上道心。是名下品中生者。

若作五逆十惡業。應墮地獄受諸苦。

臨終念佛亦超昇。是名下品下生者。

經云。或有衆生。作不善業。五逆十惡。具不善業。如此愚人。以惡業故。應墮惡道。經歷多劫。受苦無窮。如此愚人。臨命終時。遇善知識。種種安慰。為說妙法。教令念佛。此人苦逼。不遑念佛。善友告言。絕。具足十念。稱南無阿彌陀佛。如是志心令聲不中。除八十億劫生死之罪。命終之時。見金蓮華。猶如日輪。住其人前。如一念頃。即得往生極樂世界。於蓮華中。滿十二大劫。蓮華方開。觀世音大勢至。以大悲音聲。為其廣說諸法實相。除滅罪法。聞已歡喜。應時即發菩提之心。是名下品下生者。是名下輩生想。名第十六觀。

今日大衆。如佛所說十六觀經。勸修九品。求生行門。  
相與志心。五體投地。歸依世間大慈悲父。

南無教主釋迦牟尼佛。

南無西方阿彌陀佛。

南無當來彌勒佛。

南無人月佛。

南無羅睺佛。

南無甘露明佛。

南無妙意佛。

南無大明佛。

南無一切主佛。

南無樂智佛。

南無山王佛。

南無寂滅佛。

南無德聚佛。  
南無天王佛。  
南無妙音聲佛。  
南無妙華佛。  
南無住義佛。  
南無功德威聚佛。  
南無智無等佛。  
南無甘露音佛。  
南無善手佛。  
南無利慧佛。  
南無思解脫義佛。  
南無勝音佛。  
南無梨陀行佛。  
南無善義佛。

南無無過佛。

南無行善佛。

南無文殊師利菩薩。

南無普賢菩薩。

南無觀世音菩薩。

南無大勢至菩薩。

南無清淨大海衆菩薩。

又復歸依如是十方盡虛空界一切三寶無量賢聖

一拜。

禮念彌陀道場懺法卷第八

禮念彌陀道場懺法卷第九

元極樂居士王子成集

○求生行門之餘

若人端坐正西向 九十日中常念佛  
能成三昧生佛前 文殊般若如是說  
若人專念一方佛 或行或坐七七  
自身見佛卽往生 大集經中如是說  
十日十夜求齋戒 懸繒幡蓋然香燈  
繫念不斷得住生 無量壽經如是說  
十日十夜六時中 五體禮念不斷絕  
現見彼佛卽往生 鼓音王經如是說  
一日二日若七日 執持名號心不亂  
佛現其前卽往生 阿彌陀經如是說

今日大衆。如經所說。求生行門。相與至心。五體投地。  
。歸依世間大慈悲父。

南無教主釋迦牟尼佛。

南無西方阿彌陀佛。

南無當來彌勒佛。

南無華藏佛。

南無妙光佛。

南無樂說佛。

南無善濟佛。

南無衆王佛。

南無離畏佛。

南無辯才日佛。

南無名聞佛。

南無寶月明佛。

南無上意佛。  
南無無畏佛。  
南無大見佛。  
南無梵音佛。  
南無善音佛。  
南無慧濟佛。  
南無無等意佛。  
南無金剛軍佛。  
南無菩提意佛。  
南無樹王佛。  
南無槃陀音佛。  
南無福德力佛。  
南無勢德佛。  
南無聖愛佛。

南無勢行佛。  
南無琥珀佛。  
南無雷音雲佛。  
南無善愛目佛。  
南無善智佛。  
南無具足佛。  
南無德積佛。  
南無大音佛。  
南無法相佛。  
南無智音佛。  
南無虛空佛。  
南無祠音佛。  
南無慧音差別佛。  
南無功德光佛。

南無聖王佛。  
南無衆意佛。  
南無辯才輪佛。  
南無善寂佛。  
南無月面佛。  
南無日名佛。  
南無無垢佛。  
南無功德集佛。  
南無華德相佛。  
南無辯才國佛。  
南無寶施佛。  
南無愛月佛。  
南無不高佛。  
南無文殊師利菩薩。

南無普賢菩薩。  
南無觀世音菩薩。  
南無大勢至菩薩。  
南無清淨大海衆菩薩。  
又復歸依如是十方盡虛空界一切三寶無量賢聖拜一。

若人聞彼阿彌陀 一日持念至七日  
繫念現前卽往生 般舟經中如是說  
晝夜一日稱佛名 慇懃精進不斷絕  
展轉相勸同往生 大悲經中如是說  
一日一夜懸繒蓋 專念往生心不斷  
卧中夢佛卽往生 無量壽經如是說

今日大衆。如經所說。求生行門。相與志心。五體投地。  
。歸依世間大慈悲父。

南無教主釋迦牟尼佛。  
南無西方阿彌陀佛。  
南無當來彌勒佛。  
南無師子力佛。  
南無自在王佛。  
南無無量淨佛。  
南無等定佛。  
南無不壞佛。  
南無滅垢佛。  
南無不失方便佛。  
南無無媯佛。  
南無妙面佛。  
南無智制住佛。  
南無法師王佛。

南無大天佛。  
南無深意佛。  
南無無量佛。  
南無法力佛。  
南無世供養佛。  
南無華光佛。  
南無三世供佛。  
南無應日藏佛。  
南無天供養佛。  
南無上智人佛。  
南無真髻佛。  
南無信甘露佛。  
南無金剛佛。  
南無堅固佛。

南無文殊師利菩薩。

南無普賢菩薩。

南無觀世音菩薩。

南無大勢至菩薩。

南無清淨大海衆菩薩。

又復歸依如是十方盡虛空界一切三寶無量賢聖拜一。

住大乘者清淨心 十念念彼無量壽

臨終夢佛定往生 大寶積經如是說

五逆地獄衆火現 值善知識發猛心

十念稱佛卽往生 十六觀經如是說

若有歡喜愛樂心 下至十念卽往生

若不爾者不成佛 四十八願如是說

今日大衆。如經所說。求生行門。相與志心。五體投地

。歸依世間大慈悲父。

南無教主釋迦牟尼佛。

南無西方阿彌陀佛。

南無當來彌勒佛。

南無寶肩明佛。

南無梨陀步佛。

南無隨日佛。

南無清淨佛。

南無明力佛。

南無功德聚佛。

南無具足德佛。

南無師子行佛。

南無高出佛。

南無華施佛。

南無珠明佛。  
南無蓮華佛。  
南無愛智佛。  
南無槃陀嚴佛。  
南無不虛行佛。  
南無生法佛。  
南無相明佛。  
南無思惟樂佛。  
南無樂解脫佛。  
南無知道理佛。  
南無文殊師利菩薩。  
南無普賢菩薩。  
南無觀世音菩薩。  
南無大勢至菩薩。

南無清淨大海衆菩薩。  
又復歸依如是十方盡虛空界一切三寶無量賢聖。

拜一。

諸有聞名生志心。一念迴向即往生。  
唯除五逆謗正法。無量壽經如是說。  
臨終不能觀及念。但能生意知有佛。  
此人氣絕即往生。大法鼓經如是說。  
若人念佛生疑惑。住在疑城五百年。  
猶勝天宮無退墮。彌陀大經如是說。  
大彌陀經云。佛言。其人作是以後。若復中悔。心意  
狐疑。不信作善。後世當得其福。不信往生阿彌陀佛。  
國。其人雖爾。續得往生。其人壽命。病欲終時。阿  
彌陀佛。即令其人於卧止夢中。見阿彌陀佛。土。心大  
歡喜。意自念言。我悔不知益作諸善。今當往生阿彌  
陀佛國。其人但念。口不能復言。即自悔過者。過差  
減少。悔無所及。其人命終。即生阿彌陀佛國。不能  
得前至。便道見二千里。七寶城中。心獨歡喜。便止。

其中。亦復於七寶浴池蓮華中化生。卽自然受身長大。其城如第二忉利天上。自然之物。其人亦復於城中。五百歲竟。乃得出至阿彌陀佛所。心中大喜。其人聽經。心不開解。意不歡樂。智慧不明。知經復少。所居舍宅在地。不能令舍宅隨意高大。在虛空中。復去阿彌陀佛大遠。不能得近。其人久久。亦當智慧開解。知經勇猛。心當歡喜。次如上第一輩也。所以者何。皆坐前世宿命。求道時。中悔狐疑。暫信暫不信。作善。得其福德。皆自然得之耳。不信。

今日大衆。如經所說。求生行門。相與志心。五體投地。歸依世間大慈悲父。

南無教主釋迦牟尼佛。

南無西方阿彌陀佛。

南無當來彌勒佛。

南無多聞海佛。

南無持華佛。  
南無不隨世佛。  
南無喜衆佛。  
南無孔雀音佛。  
南無不退沒佛。  
南無斷有愛垢佛。  
南無威儀濟佛。  
南無諸天流布佛。  
南無寶步佛。  
南無華手佛。  
南無威德佛。  
南無破怨賊佛。  
南無富多聞佛。  
南無妙國佛。

南無華明佛。  
南無師子智佛。  
南無月出佛。  
南無滅闇佛。  
南無無動佛。  
南無次第行佛。  
南無福德燈佛。  
南無音聲治佛。  
南無憍曇佛。  
南無勢力佛。  
南無身心住佛。  
南無善月佛。  
南無覺意華佛。  
南無上音佛。

南無善威德佛。  
南無智力德佛。  
南無善燈佛。  
南無堅行佛。  
南無天音佛。  
南無安樂佛。  
南無日面佛。  
南無樂解脫佛。  
南無戒明佛。  
南無住戒佛。  
南無無垢佛。  
南無文殊師利菩薩。  
南無普賢菩薩。  
南無觀世音菩薩。

南無大勢至菩薩。

南無清淨大海衆菩薩。

又復歸。依如是十方盡虛空界一切三寶無量賢聖拜一。

今日大衆。甘露疏云。普言慰諭。令心歡喜者。四分律云。爲病人說法。令其歡喜。十誦律云。應隨病者。先所習學。而讚歎之。不得毀訾。退本善心。隨願住生經云。佛告普廣菩薩。四輩弟子。臨終之日。願生十方佛刹者。先當洗浴身體。著鮮潔衣。燒衆名香。懸繒幡蓋。歌讚三寶。讀誦尊經。爲病人說。因緣譬諭。善巧言詞。微妙經義。苦空非實。四大假合。隨心所願。無不獲果。言心緣佛像者。若無苦心明者。令緣真佛身相。相好光明等。若爲苦逼心亂者。設像令緣。口稱佛號。準西域祇園寺圖云。寺西北角。日光沒處。爲無常院。若有病者。安置在中。堂號無常。多病厭世。去者極衆。

。盡生西方。其堂內安一彌陀佛像。金薄塗之。面向東方。當置病人。在像前坐。若無力者。令病人卧。面向西方。觀佛相好。其像手中。繫一五色綵幡。令病人手執幡脚。作往生淨土之意。像前燒香散華。供養不絕。生病人善心。囑稱十念。聲聲相續。令高聲稱念。藉聲束心。使心不散。故大集經大莊嚴論皆說高聲念佛。有十種功德。一能排睡眠。二天魔驚怖。三聲徧十方。四三塗息苦。五外聲不入。六念心不散。七勇猛精進。八諸佛歡喜。九三昧現前。十往生淨土。然念通四儀。約勝劣爲上下。謂以行住坐爲上。唯臥爲下。又沐浴新衣。盥漱焚香。息緣靜坐。對佛合掌。念持爲上。反此爲下。又定念爲上。散念爲下。又有二種。一未終時念。或定或散。容可涉緣。二臨終時念。須屏絕諸緣。一心專注。若心境差違。則爲誤失。故稱十念也。

今日道場幽顯大衆。善攝心耳。志誠諦聽。經教略云。於其象生。若墮地獄三塗等趣。有一罪人。在世之日。曾讀彌陀往生經教。稍知宿命。因緣果報。覩佛光明。心中默念。我等受苦。皆因前世造諸罪業。招此苦報。於三塗中。經無數載。冥冥長夜。應無此光。必是西方極樂阿彌陀佛。所放光明。救度於我。遂謂衆曰。我等生世。惡業深重。不知經教。不識正法。信邪倒見。欺罔幽明。故受此苦。無由出離。我等幸遇。獲瞻此光。可隨吾念。彌陀聖號。懇切志誠。願離此苦。一切罪人。聞是語已。瞻禮光明。應聲齊念南無阿彌陀佛。如是志心令聲不絕。具足十念。冥官獄吏。不能禁止。牛頭獄卒。變成善人。須臾之間。枷鎖解脫。彌陀接引。乘空而去。皆得往生。西方淨土。又大經云。彼佛光明有十二號。無量光佛。無邊光佛。無礙光佛。無對光佛。

燄王光佛。清淨光佛。歡喜光佛。智慧光佛。不斷光佛。  
。難思光佛。無稱光佛。超日月光佛。彼佛光明。照十  
方國。無所障礙。若有衆生。遇斯光者。三垢消滅。身  
心柔輒。歡喜踊躍。善心生焉。若在三塗勤苦之處。見  
此光明。皆得休息。壽終之後。皆蒙解脫。

今日道場幽顯大衆。重複志誠。一心諦聽。彌陀經教直  
訣略云。若有衆生。新亡舊化。已墮地獄餓鬼傍生三塗  
等趣。惡業深重。不遇佛光。或有一人。高聲唱言。語  
諸罪人。勿得恐怖。我憶宿命。在人間時。曾讀彌陀度  
生經教。往生淨土直訣法門。分明廣說。若有臨終合掌  
向西。志心稱念南無阿彌陀佛六字法門。一聲能滅八十  
億劫生死重罪。縱有千劫生死重罪。十念具足。滅盡無  
餘。彌陀決定。將諸聖衆。親來迎接。若或不如願。誓  
不成佛。又於因中。爲法藏比丘。初發願偈。我至成佛

時。名聲超十方。人天欣得聞。俱來生我刹。地獄鬼畜  
生。亦生我刹中。昔者法藏成佛已竟。號阿彌陀。願  
度生。今正是時。我等命終。現墮三塗。惟願西方阿彌  
陀佛。天眼見我。天耳聞我。他心知我。大慈大悲。不  
違本願。接引我等。離苦得樂。速生淨土。佛語可憑。  
必無妄說。於是罪人。爲苦所逼。發勇猛心。雨淚交流。  
異口同音。齊聲稱念。南無阿彌陀佛。具足十聲。又  
復禮拜。未舉頭頃。彌陀現前。一切罪人。枷鎖解脫。  
蒙佛願力。隨化佛後。如一念頃。卽得往生。極樂世界  
。

無量壽莊嚴經上卷說。阿彌陀佛。昔發誓言。證得菩  
提。所居佛刹。具足無量。不可思議功德莊嚴。所有  
一切衆生。及琰魔羅界。三惡道中。地獄餓鬼畜生。  
皆生我刹。受我法化。乃至一生。令得阿耨多羅三藐  
三菩提。

今日道場同業大眾。普皆奉爲若幽若顯求生行者。等一  
痛切。相與志心。五體投地。歸依世間大慈悲父。

南無教主釋迦牟尼佛。

南無西方阿彌陀佛。

南無當來彌勒佛。

南無堅出佛。

南無安闍那佛。

南無增益佛。

南無香明佛。

南無違藍明佛。

南無念王佛。

南無蜜鉢佛。

南無無礙相佛。

南無信戒佛。

南無至妙道佛。  
南無樂實佛。  
南無明法佛。  
南無具威德佛。  
南無至寂滅佛。  
南無上慈佛。  
南無大慈佛。  
南無甘露王佛。  
南無彌樓明佛。  
南無聖讚佛。  
南無廣照佛。  
南無文殊師利菩薩。  
南無普賢菩薩。  
南無觀世音菩薩。

南無大勢至菩薩。

南無清淨大海衆菩薩。

又復歸依如是十方盡虛空界一切三寶無量賢聖拜一。

今日道場同業大衆。求生行門所生功德。惟願阿鼻鐵城。卽時破壞。悉爲淨土。無惡道名。其餘地獄。一切苦具轉爲樂緣。刀山劍樹。變爲寶林。鑊湯爐炭。化成塗香。牛頭獄卒。皆起慈悲。無有惡念。地獄衆生。得離苦果。不造業因。等受安樂。如第三禪。一時俱發無上道心。速歸極樂。更願四生六道一切衆生。念惡道苦。發菩提心。同生淨土。當成正覺。

○總爲禮佛第十

今日道場同業大衆。前說求生行門。自利已竟。次總禮佛。專乃利他。夫總爲禮佛者。普賢十願禮敬爲先。天

親四修。歸依爲首。故我世尊慈悲願重。喜捨心增。標指西方。勸修淨業。顯壽光之無量。明依正之難思。餘經盡而獨留。廣舌覆而同讚。故得人天共仰。凡聖同歸。蓋以利自利他。益存益亡。運菩薩心。嚴諸佛土。固宜勇猛。代爲一切。若幽若顯。六趣四生。無量有情。相與志心。五體投地。歸依世間大慈悲父。

一心敬禮過去久遠劫中南無定光佛。  
一心敬禮過去久遠劫中南無日光佛。  
一心敬禮過去久遠劫中南無月光佛。  
一心敬禮過去久遠劫中南無梅檀香佛。  
一心敬禮娑婆教主釋迦牟尼佛。  
一心敬禮世自在王佛。  
一心敬禮西方阿彌陀佛。  
一心敬禮助成往生藥師瑠璃光佛。

一心敬禮六方諸佛。  
一心敬禮東方世界南無阿閼鞞佛。  
一心敬禮東方世界南無須彌相佛。  
一心敬禮東方世界南無大須彌佛。  
一心敬禮東方世界南無須彌光佛。  
一心敬禮東方世界南無妙音佛。  
一心敬禮南方世界南無日月燈佛。  
一心敬禮南方世界南無名聞光佛。  
一心敬禮南方世界南無大燄肩佛。  
一心敬禮南方世界南無須彌燈佛。  
一心敬禮南方世界南無量精進佛。  
一心敬禮西方世界南無無量壽佛。  
一心敬禮西方世界南無無量相佛。  
一心敬禮西方世界南無無量幢佛。

一心敬禮西方世界南無大光佛。  
一心敬禮西方世界南無大明佛。  
一心敬禮西方世界南無寶相佛。  
一心敬禮西方世界南無淨光佛。  
一心敬禮北方世界南無燄肩佛。  
一心敬禮北方世界南無最勝音佛。  
一心敬禮北方世界南無難阻佛。  
一心敬禮北方世界南無日生佛。  
一心敬禮北方世界南無網明佛。  
一心敬禮下方世界南無師子佛。  
一心敬禮下方世界南無名聞佛。  
一心敬禮下方世界南無名光佛。  
一心敬禮下方世界南無達摩佛。  
一心敬禮下方世界南無法幢佛。

一心敬禮下方世界南無持法佛。  
一心敬禮上方世界南無梵音佛。  
一心敬禮上方世界南無宿王佛。  
一心敬禮上方世界南無香上佛。  
一心敬禮上方世界南無香光佛。  
一心敬禮上方世界南無大燄肩佛。  
一心敬禮上方世界南無雜色寶華嚴身佛。  
一心敬禮上方世界南無娑羅樹王佛。  
一心敬禮上方世界南無寶華德佛。  
一心敬禮上方世界南無見一切義佛。  
一心敬禮上方世界南無須彌山佛。  
如是等六方恒河沙數諸佛。各於其國。出廣長舌相。徧  
覆三千大千世界。說誠實言。汝等衆生。當信是稱讚不  
可思議功德。一切諸佛所護念經。

一心敬禮極樂世界文殊師利菩薩

一心敬禮極樂世界普賢菩薩

一心敬禮極樂世界觀世音菩薩

一心敬禮極樂世界大勢至菩薩

一心敬禮極樂世界彌勒菩薩

一心敬禮極樂世界一生補處諸大菩薩

一心敬禮極樂世界馬鳴菩薩

一心敬禮極樂世界龍樹菩薩

一心敬禮極樂世界阿鞞跋致菩薩

一心敬禮極樂世界新發道意及十方來生淨土一切清淨大

海衆菩薩

一心敬禮極樂世界長老舍利弗。摩訶目犍連。摩訶迦葉

等。諸大聲聞。一切賢聖

一心敬禮梵釋四王金剛天等諸護法衆

今日道場同業大衆。以今懺悔發心禮佛功德。普願十方  
盡虛空界一切天主。一切諸天。梵王帝釋。護世四天王  
。日月星辰。主方主火。主稼主林等。各及眷屬。又願  
難陀龍王。跋難陀龍王等。又願阿修羅王。各及眷屬。  
又願人道一切人王。臣民將帥。及其眷屬。又願十方比  
丘。比丘尼。式叉摩那。沙彌。沙彌尼。及其眷屬。又  
願閻羅王界。一切地獄。餓鬼道。畜生道。一切衆生。  
及其眷屬。又願十方盡虛空界。窮未來際。若大若小。  
一切衆生。及其眷屬。以今禮佛功德因緣。皆令獲得三  
業清淨。發菩提心。證解脫道。某甲等仰承阿彌陀佛大誓  
願力。諸大菩薩一切賢聖修行願力。無量無盡智慧力。  
功德力。自在神通力。覆護衆生力。安慰衆生力。盡諸  
天諸仙漏力。攝化一切善根力。救拔地獄衆生力。救度  
一切餓鬼力。免脫一切畜生力。令諸衆生。得如是願。

甲某等始自歸依三寶。終至禮佛功德。善根勝因。令諸衆生。得如所願。甲某等又承三世諸佛。西方阿彌陀佛大慈悲力。十方諸佛大慈心力。六方諸佛大悲心力。三十五佛滅煩惱力。五十三佛降伏魔力。百七十佛度衆生力。千佛攝受諸衆生力。九十九俱胝佛成就力。觀音普賢流通懺法力。令諸衆生。得如所願。

今日道場同業大衆。如是普爲十方法界。四生六道。或聖或凡。若幽若顯。一切眷屬。無量衆生。總爲禮佛。相與志心。五體投地。歸依世間大慈悲父。

南無教主釋迦牟尼佛。

南無西方阿彌陀佛。

南無當來彌勒佛。

南無威德佛。

南無見明佛。  
南無善行報佛。  
南無善喜佛。  
南無無憂佛。  
南無寶明佛。  
南無威儀佛。  
南無樂福德佛。  
南無功德海佛。  
南無盡相佛。  
南無斷魔佛。  
南無盡魔佛。  
南無過衰道佛。  
南無不壞意佛。  
南無水王佛。

南無淨魔佛。

南無衆上王佛。

南無愛明佛。

南無菩提相佛。

南無智明佛。

南無文殊師利菩薩。

南無普賢菩薩。

南無觀世音菩薩。

南無大勢至菩薩。

南無清淨大海衆菩薩。

又復歸依如是十方盡虛空界一切三寶無量賢聖拜一。

今日道場同業大衆。相與志誠。五體投地。奉爲四恩。三有法界衆生。志心迴向。從今已去。至坐道場。一切罪障皆得清淨。一切煩惱皆得斷除。一切功德。皆得圓

滿。隨願往生西方淨土。菩提行願。皆悉成就。福慧資糧。皆悉具足。四無量心。六波羅蜜。常得現前。四無礙智。六神通力。智意自在。住首楞嚴三昧。得金剛身。不捨本誓。還度衆生。同生淨土。皆成佛道。

禮念彌陀道場懺法卷第九

。 媯

奴了切

。 中悔

上去上

。 諭

喻音

。 皆

將此切

。 鮮潔

上音仙

。 厲

力世切

。 盥

灌音

。 屏

餅音

禮念彌陀道場懺法卷第十

元極樂居士王子成集

○自慶第十一

今日道場同業大眾。前乃總爲禮佛已竟。與諸衆生。俱蒙解脫。過去者已得往生。現在者當得往生。未來者依此修行。亦得往生。今者宜應自慶。衆等踊躍。相與志心。五體投地。歸依世間大慈悲父。

南無教主釋迦牟尼佛。

南無世自在王佛。

南無西方阿彌陀佛。

南無八十四俱胝佛。

南無西南方現在一切諸佛。

南無最上日光名稱功德佛。

如是等佛。如旃伽沙。住在西南方。各各示現廣長舌相。  
。稱讚不可思議佛土功德。一切諸佛攝受法門。  
南無文殊師利菩薩。  
南無普賢菩薩。  
南無觀世音菩薩。  
南無大勢至菩薩。  
南無清淨大海衆菩薩。  
又復歸依如是十方盡虛空界一切三寶無量賢聖。

拜一。

今日大衆。若知自慶者。則復應須修出世心。何者自慶。  
。佛言。地獄難免。我等相與已得免離此苦。是一自慶。  
。餓鬼難脫。我等相與已得遠離痛切。是二自慶。畜生  
難捨。相與已得不受其報。是三自慶。生在邊地。不知  
仁義。相與已得共住中國。道法流行。親承妙旨。是四  
自慶。生長壽夭。不知植福。相與已得更復樹因。是五

自慶。人身難得。一失不返。相與已得。各獲人身。是  
六自慶。六根不具。不預善根。相與清淨。得深法門。  
是七自慶。世智辯聰。返成爲難。相與一心歸憑正法。  
是八自慶。佛言。見佛爲難。相與已得。瞻對尊像。是  
九自慶。佛言。聞法復難。相與已得。餐服甘露。是十  
自慶。佛言。出家爲難。相與已得。辭親割愛。歸向入  
道。是十一自慶。佛言。自利者易。利他爲難。相與今  
日一拜一禮。普爲十方。是十二自慶。佛言。捍勞忍苦  
爲難。相與今日各自翹勤。有所爲作。不爲自身。是十  
三自慶。佛言。讀誦爲難。我等大衆。同得讀誦。是十  
四自慶。坐禪爲難。而今現有息心定意者。是十五自慶  
。相與志心。踊躍歡喜。五體投地。歸依世間大慈悲父  
。

南無教主釋迦牟尼佛。

南無西方阿彌陀佛。  
南無當來彌勒佛。  
南無善滅佛。  
南無梵相佛。  
南無智喜佛。  
南無神相佛。  
南無如衆王佛。  
南無持地佛。  
南無愛日佛。  
南無羅睺月佛。  
南無華明佛。  
南無藥師上佛。  
南無持勢力佛。  
南無福德明佛。

南無喜明佛。

南無好音佛。

南無法自在佛。

南無梵音佛。

南無文殊師利菩薩。

南無普賢菩薩。

南無觀世音菩薩。

南無大勢至菩薩。

南無清淨大海衆菩薩。

又復歸依如是十方盡虛空界一切三寶無量賢聖一拜。

今日大衆。如上所說。一十五種。是在世間。求生淨土。修因之慶。次復應知。一十五種。是出世間。往生淨土之慶。人各志誠。攝心諦聽。佛言。此教難遇。難信難知。今遇此教。易信易知。是十六自慶。佛言。前生

不遇此教。所以不出三界。今遇此教。得出六道生死輪  
迴。是十七自慶。佛言。衆生濁惡。障重福薄。雖有此  
教。迷而不知。知而不行。今遇此教。能知能行。是十  
八自慶。佛言。不知此教。多修雜善。無決定心。不出  
輪迴。今遇此教。專修一行。決出輪迴。是十九自慶。  
佛言。無善根人。臨命終時。多見惡境。或值惡緣。不  
聞經法。罪業牽纏。哀號恐怖。入於地獄。求救無門。  
今蒙此教。臨命終時。值遇善緣。及逢善友。教修此法  
。廣爲演說西方淨土。善相勝法。一一指陳。其心歡喜  
。發願往生。或聞善友。教稱十念。或自念十聲。南無  
阿彌陀佛。連連稱念。具足十聲。惡境便滅。善境現前  
。其人自見阿彌陀佛。觀音勢至。清淨海衆。親來迎接  
。身坐蓮臺。或乘蓮華。身隨佛後。往生淨土。是二十  
自慶。生淨土已。九品四色。七寶蓮池。自然化生。成

清淨身。離胎胞質。是二十一自慶。生淨土已。身真金色。具三十二相。形貌端嚴。無諸醜陋。是二十二自慶。生淨土已。具六神通。飛空自在。遊歷十方。作大佛事。是二十三自慶。生淨土已。壽命無量。與佛齊等。更無中天。是二十四自慶。生淨土已。衣食隨念。宮殿逐身。自然快樂。七寶莊嚴。一切具足。無求不得。是二十五自慶。生淨土已。具無礙辯才。得八萬四千陀羅尼門。智慧明了。無不通達。是二十六自慶。生淨土已。與大菩薩觀音勢至。爲其善友。無怨憎會。是二十七自慶。生淨土已。六時聞法。悟無生忍。是二十八自慶。生淨土已。更無退轉。直至成佛。是二十九自慶。忍力成就。乘大願船。卻來三界。徧歷十方。生死海中。復度衆生。往生淨土。同成阿耨多羅三藐三菩提。是三  
十自慶。相與志心。踊躍歡喜。五體投地。歸依世間大

慈悲父。

南無教主釋迦牟尼佛。

南無西方阿彌陀佛。

南無當來彌勒佛。

南無善業佛。

南無意無謬佛。

南無大施佛。

南無明讚佛。

南無衆相佛。

南無德流布佛。

南無世自在佛。

南無德樹佛。

南無斷疑佛。

南無無量佛。

南無善月佛。  
南無無邊辯相佛。  
南無梨陀法佛。  
南無應供養佛。  
南無度憂佛。  
南無樂安佛。  
南無世意佛。  
南無愛身佛。  
南無妙足佛。  
南無優鉢羅佛。  
南無華纓佛。  
南無無邊辯光佛。  
南無信聖佛。  
南無德精進佛。

南無文殊師利菩薩。

南無普賢菩薩。

南無觀世音菩薩。

南無大勢至菩薩。

南無清淨大海衆菩薩。

又復歸依如是十方盡虛空界一切三寶無量賢聖拜一。

今日大衆。如是自慶。因緣無量。非復弱辭所能宣盡。  
凡人處世。苦多樂少。況今相與有此大慶。皆是十方三  
寶威力。阿彌陀佛大願之力。宜各志心。懷思恩德。歡  
喜踊躍。奉爲國王。父母師長。上中下座。信施檀越。  
善惡知識。天龍八部。太山府君。五道大神。一切鬼神。  
。琰魔王界。十八獄王。并諸眷屬。廣及十方三界六道  
。無窮無盡。含情抱識。有佛性者。五體投地。志誠歸  
依十方三世盡虛空界一切三寶。西方阿彌陀佛。願以慈

悲心。同加攝受。以不思議力。覆護拯接。令三界六道一切衆生。從今已去。越生死海。往極樂國。行願早圓。俱登十地。入金剛心。成等正覺。

○普皆迴向第十二

今日道場同業大衆。前以自慶已竟。次乃普皆迴向。所修西方懺法。迴向法界衆生。同成無上菩提。共證眞如實際。相與志心。五體投地。歸依世間父慈悲父。

南無教主釋迦牟尼佛。

南無世自在王佛。

南無西方阿彌陀佛。

南無九十九俱胝佛。

南無西北方現在一切諸佛。

南無無量功德火王光明佛。

如是等佛。如旃伽沙。住在西北方。各各示現廣長舌相。稱讚不可思議佛土功德。一切諸佛攝受法門。

南無文殊師利菩薩。

南無普賢菩薩。

南無觀世音菩薩。

南無大勢至菩薩。

南無清淨大海衆菩薩。

又復歸依如是十方盡虛空界一切三寶無量賢聖拜一。

今日大衆。普爲十方。盡法界一切衆生。以此修集禮念彌陀懺法。一切善根功德勝因。惟願西方淨土阿彌陀佛。慈悲證明。普皆迴向。宜各人人等一志心。

稽首歸依大導師 十方三世諸如來  
今集彌陀禮懺法 救度生死愛河人

八萬行中詮要行 顯示西方淨土門  
自勸勸他生彼國 願佛慈悲力加護  
稽首歸依無量壽 彼國他方大悲主  
聞名渴仰遙頂禮 願共自他親奉侍  
廣引諸經讚淨土 教令念佛往西方

今日大衆。如上所說。普爲法界衆生。修集彌陀懺法功德。普皆迴向已。相與志心。五體投地。歸依世間大慈悲父。

南無教主釋迦牟尼佛。

南無西方阿彌陀佛。

南無當來彌勒佛。

南無眞實佛。

南無天主佛。

南無樂高音佛。  
南無信淨佛。  
南無婆耆羅陀佛。  
南無福德音佛。  
南無燄熾佛。  
南無無邊德佛。  
南無聚成佛。  
南無師子遊佛。  
南無不動佛。  
南無信清淨佛。  
南無行明佛。  
南無龍音佛。  
南無持輪佛。  
南無財成佛。

南無世愛佛。  
南無法名佛。  
南無無量寶明佛。  
南無雲相佛。  
南無慧道佛。  
南無妙香佛。  
南無虛空音佛。  
南無虛空佛。  
南無文殊師利菩薩。  
南無普賢菩薩。  
南無觀世音菩薩。  
南無大勢至菩薩。  
南無清淨大海衆菩薩。  
又復歸依如是十方盡虛空界一切三寶無量賢聖  
拜一。

今日大衆。如普賢行願所發迴向。偈曰。

我今迴向諸善根 爲得普賢殊勝行  
願我臨欲命終時 盡除一切諸障礙  
面見彼佛阿彌陀 卽得往生安樂刹  
我既往生彼國已 現前成就此大願  
一切圓滿盡無餘 利樂一切衆生界  
彼佛衆會咸清淨 我時於勝蓮華生  
親覩如來無量光 現前授我菩提記  
蒙彼如來授記已 化身無數百俱胝  
智力廣大徧十方 普利一切衆生界  
我此普賢殊勝行 無邊勝福皆迴向  
普願沉溺諸衆生 速往無量光佛刹

今日大衆。如上普賢所說迴向已。相與志心。五體投地。  
。歸依世間大慈悲父。

南無教主釋迦牟尼佛。  
南無西方阿彌陀佛。  
南無當來彌勒佛。  
南無天王佛。  
南無珠淨佛。  
南無善財佛。  
南無燈燄佛。  
南無寶音聲佛。  
南無人主王佛。  
南無羅睺守佛。  
南無安隱佛。  
南無師子意佛。  
南無寶名聞佛。  
南無得利佛。

南無徧見佛。  
南無世華佛。  
南無高頂佛。  
南無無邊辯才佛。  
南無差別知見佛。  
南無師子牙佛。  
南無梨陀步佛。  
南無福德佛。  
南無法燈蓋佛。  
南無目犍連佛。  
南無無憂國佛。  
南無意思佛。  
南無樂菩提佛。  
南無文殊師利菩薩。

南無普賢菩薩。

南無觀世音菩薩。

南無大勢至菩薩。

南無清淨大海衆菩薩。

又復歸依如是十方盡虛空界一切三寶無量賢聖拜一。

今日道場同業大衆。願弟子等。承是修集懺法迴向。所

生功德。仰願當今甲某等所生父母。歷劫親緣。從今已去

。至坐道場。散形空界。如無邊身。具十功德。如高貴

德王。聞法歡喜。猶如無畏。神通勇猛。如大勢至。又

願甲某等和尚阿闍梨。同學眷屬。上中下座。一切知識。

從今已去。至於道場。各得無畏。如師子王。影響大化

。猶如寶積。聞聲救苦。如觀世音。善能諮問。如大迦

葉。又願甲某等出家在家信施檀越。善惡知識。各及眷屬

。從今已去。至坐道場。解諸危厄。猶如救脫。相貌端

嚴。猶如文殊。能捨業障。如棄陰蓋。設最後供。等於  
純陀。又願諸天諸仙。護世四王。聰明正直。天地虛空  
。主善罰惡。守護持呪。五方龍王。龍神八部。幽顯靈  
祇。各及眷屬。從今已去。至于道場。上慈覆護。如何  
逸多。精進護法。如不休息。遠證讀誦。猶如普賢。爲  
法焚身。猶如藥王。又願十方一切怨親。及悲怨親。四  
生六道。一切衆生。各及眷屬。從今已去。至於道場。  
心無愛染。如離意女。微妙巧說。如勝鬘夫人。能行精  
進。如釋迦文。所有善願。等無量壽。所有威神。如諸  
天王。不可思議。如維摩詰。一切功德。各各成就。無  
量佛土。悉具莊嚴。仰願十方盡虛空界。無量諸佛。諸  
大菩薩。一切賢聖。以慈悲心。同加攝受。救護拯接。  
所願圓滿。信心堅固。德業日遠。慈育四生。等如一子  
。令諸衆生。得四無量心。具六波羅蜜。應念見佛。皆

如勝鬘。一切行願。畢竟成就。等與如來。俱登正覺。

○囑累流通第十三

夫囑累流通者。續彌陀之慧命。傳佛祖之心燈。法藉緣興。道由人顯。彌陀教內。囑累重宣。淨土經中。流通廣演。今則佛曰已遠。末法時臨。以懺法囑累於十方。仗佛力流通於萬古。更冀龍天密佑。賢聖冥加。俾進道而無魔。令修行而有賴。人天同廣。水陸咸欣。更相歡化於無窮。遞互弘揚於不朽。或聞或見。盡往西方。若受若持。咸歸極樂。願希劫海傳無盡。共助彌陀作指南。

今日道場同業大眾。前以普皆迴向已竟。次應囑累流通。仰願十方三世一切聖賢。梵釋四王。金剛天等。護法神衆。令此懺法。盡未來際。流通不絕。廣度羣生。多所饒益。自行勸他。見聞隨喜。乃至書寫。讀誦受持。同得往生西方淨土。是故我等五體投地。歸依世間大慈

悲父。

南無教主釋迦牟尼佛。

南無世自在王佛。

南無西方阿彌陀佛。

南無東北方現在一切諸佛。

南無無數百千俱胝廣慧佛。

如是等佛。如殞伽沙。住東北方。自佛淨土。及十方佛

。各各示現廣長舌相。徧覆三千大千世界。周匝圍繞。

說誠諦言。汝等有情。皆應信受。如是稱讚不可思議佛

土功德。一切諸佛攝受法門。

南無文殊師利菩薩。

南無普賢菩薩。

南無觀世音菩薩。

南無大勢至菩薩。

南無清淨大海衆菩薩。

南無護持國界梵釋四王天龍八部諸賢聖衆。

歸依十方盡虛空界一切諸佛。

拜一。

歸依十方盡虛空界一切尊法。

拜一。

歸依十方盡虛空界一切賢聖。

拜一。

願共諸衆生往生安樂國

志心歸命禮西方彌陀佛

又復歸依如是十方盡虛空界一切三寶無量賢聖。

拜一。

今日道場同業大衆。重複志誠。囑累流通。仰啓十方盡  
虛空界一切菩薩。護法神王。以本願力。誓度衆生。攝  
受衆生。無窮無盡。同善知識。無分別想。願一切衆生  
。知如來恩。親近供養。願諸菩薩。慈悲哀念。令諸衆

生。不違其教。悉能受持。無有懈怠。得無礙乘。究竟自在。始自歸依三寶。終至囑累流通。所有造懺功德。悉以迴施法界衆生。仰願彌陀世尊。及十方諸佛。現爲我證。令我所願。皆得成就。願諸衆生。俱生淨土。聞法悟道。功德智慧。悉皆具足。與諸菩薩。等無有異。入金剛心。成等正覺。相與志心。五體投地。歸依世間大慈悲父。

南無教主釋迦牟尼佛。

南無西方阿彌陀佛。

南無當來彌勒佛。

南無法天敬佛。

南無斷勢力佛。

南無極勢力佛。

南無慧華佛。

南無堅音佛。  
南無安樂佛。  
南無妙義佛。  
南無愛淨佛。  
南無慚愧顏佛。  
南無妙髻佛。  
南無欲樂佛。  
南無樓志佛。  
南無無量無邊盡虛空界無生法身菩薩。  
南無無量無邊盡虛空界無漏色身菩薩。  
南無無量無邊盡虛空界發心菩薩。  
南無興正法馬鳴菩薩。  
南無興像法龍樹菩薩。  
南無十方盡虛空界無邊身菩薩。

南無十方盡虛空界師子遊戲菩薩。  
南無十方盡虛空界師子奮迅菩薩。  
南無十方盡虛空界師子幡菩薩。  
南無十方盡虛空界師子作菩薩。  
南無十方盡虛空界堅勇精進菩薩。  
南無十方盡虛空界金剛慧菩薩。  
南無十方盡虛空界棄陰蓋菩薩。  
南無十方盡虛空界寂根菩薩。  
南無十方盡虛空界慧上菩薩。  
南無十方盡虛空界常不離世菩薩。  
南無十方盡虛空界藥王菩薩。  
南無十方盡虛空界藥上菩薩。  
南無十方盡虛空界虛空藏菩薩。  
南無十方盡虛空界金剛藏菩薩。

南無十方盡虛空界常精進菩薩。  
南無十方盡虛空界不休息菩薩。  
南無十方盡虛空界妙音菩薩。  
南無十方盡虛空界妙德菩薩。  
南無十方盡虛空界寶月菩薩。  
南無十方盡虛空界月光菩薩。  
南無十方盡虛空界薩陀波崙菩薩。  
南無十方盡虛空界越三界菩薩。  
南無十方盡虛空界大準提菩薩。  
南無文殊師利菩薩。  
南無普賢菩薩。  
南無觀世音菩薩。  
南無大勢至菩薩。  
南無清淨大海衆菩薩。

又復歸依如是十方盡虛空界一切三寶無量賢聖

拜一。

今日道場同業大眾。今此念佛禮懺往生法門。過去諸菩薩已修。已生安樂國。未來諸菩薩。當修當生安樂國。現在諸菩薩。今修今生安樂國。我等有幸。亦修此法。相與如是三世菩薩。同共集會。遊履極樂清淨佛土。受用最勝廣大法樂。彌陀經鈔云。勸一人念佛。即是成就一衆生往生。一衆生往生。即是成就一衆生成佛。一衆生成佛已。卽度無量衆生成佛。無量衆生成佛已。轉度無窮衆生成佛。其未來諸佛出世善因。皆由此始。是以修集彌陀禮懺法門。成就衆生。往生淨土。成佛捷徑。出世要津。無量功德。蓋非小補。今則剖開寶藏。指出衣珠。分付有緣。普同受用。頂禮奉辭。一切和南三乘聖衆。禮念彌陀懺法已竟。

願以此功德 普及於一切 我等與衆生

當生極樂國 同見無量壽 皆共成佛道

禮念彌陀道場懺法卷第十。終

捍  
早音  
。

恩施王慎名敬爲  
先考小宋府君施資刻此懺法。伏願仗茲功德早生安養。  
華開見佛悟無生忍。

計刻此書連圈計字七萬二千零零八箇共付刻資二百五十  
二元正  
民國九年十月北京刻經處附識